

FEDERALNO MINISTARSTVO PROMETA I KOMUNIKACIJA

1619

Na temelju članka 25. stavak 1. Zakona o cestovnom prijevozu Federacije Bosne i Hercegovine ("Službene novine Federacije BiH", br. 28/06 i 2/10), članka 70. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), Federalno ministarstvo prometa i komunikacija donosi

RJEŠENJE O PRODULJENJU VAŽNOSTI REGISTRIRANIH REDOVA VOŽNJE NA FEDERALnim AUTOBUSnim LINIJAMA

I

Važnost registriranih redova vožnje upisanih u Registrar redova vožnje federalnih autobusnih linija prodluživa se za naredno registracijsko razdoblje u trajanju od tri godine i trajati će do 16.12.2022. godine.

II

Prijevoznici koji posjeduju registrirane redove vožnje iz točke I ovog Rješenja, potrebno je da dostave Federalnom ministarstvu prometa i komunikacija odgovarajući broj primjeraka redova vožnje na ovjeru od kojih dva primjerka zadržava ministarstvo.

III

Za svaki red vožnje, prijevoznici su dužni izvršiti uplatu Federalne administrativne pristojbe za ovjeru reda vožnje u iznosu od 30,00 KM, u skladu sa tarifnim brojem 28. točka 2. Zakona o izmjenama i dopunama Zakona o federalnim upravnim pristojbama i tarifi federalnih upravnih pristojbi ("Službene novine Federacije BiH", broj 43/13).

Upłata pristojbe vrši se na Račun javnih prihoda Proračuna Federacije BiH, Union banka d.d. Sarajevo, ţiro račun broj 102-050-00001066-98,

Vrsta prihoda: 722 112,

Proračunska organizacija 0000000 ili 9999999,

Svrha dozvake: Taxa za ovjeru reda vožnje.

IV

Rješenje stupa na snagu danom donošenja i objaviti će se u najmanje dva dnevna lista, "Službenim novinama Federacije BiH", i na službenoj web stranici ministarstva www.fmpik.gov.ba.

Broj 06-12-7134/19

02. prosinca/decembra 2019. godine

Mostar

Ministar

Denis Lasić, v. r.

(SI-1357/19-F)

FEDERALNO MINISTARSTVO OKOLIŠA I TURIZMA

1620

Na osnovu člana 18a. st. 2. i 3. Zakona o upravljanju otpadom ("Službene novine Federacije BiH", br. 33/03, 72/09 i 92/17), federalni ministar okoliša i turizma donosi

PRAVILNIK O GRAĐEVINSKOM OTPADU

I. OPĆE ODREDBE

Član 1.

(Predmet pravilnika)

Ovim Pravilnikom propisuju se postupci upravljanja građevinskim otpadom, obaveze proizvođača građevinskog otpada, način označavanja građevinskog otpada, uvjeti obaveze vođenja evidencija o građevinskom otpadu, te postupci

upravljanja otpadom koji sadrži azbest, i uvjeti koje treba imati postrojenje za preradu građevinskog otpada.

Član 2.

(Područje primjene)

- (1) Ovaj pravilnik primjenjuje se na građevinski otpad svrstan u grupu otpada s kataloškim brojem 17 00 00 iz kataloga otpada.
- (2) Ovaj pravilnik ne primjenjuje se na:
 - a) zemljani iskop koji nastaje prilikom izvođenja građevinskih radova na izgradnji, rekonstrukciji, adaptaciji i uklanjanju objekta koji nije izložen opasnim materijama i ne predstavlja opasni otpad;
 - b) rječne nanose koji se koriste radi upravljanja vodama u skladu sa Zakonom o vodama, a koji nije izložen opasnim materijama i ne predstavljaju opasni otpad;
 - c) građevinski otpad, uključujući i zemljane iskope i rječne nanose koji nastaju prilikom zaštite i spašavanja od prirodnih i drugih nepogoda;
- (3) Zemljani iskop i rječni nanosi iz stava 2. ovog člana, nisu izloženi opasnim materijama ako se iz podataka o sastavu ili hemijskom analizom utvrdi da ne sadrže opasne materije.

Član 3.

(Definicije)

- (1) Pojedini pojmovi u smislu ovog pravilnika imaju sljedeće značenje:
 - a) Fond je Fond za zaštitu okoliša Federacije BiH (u daljem tekstu: Fond).
 - b) Gradilište je gradilište na način propisan posebnim propisima koji uređuju oblast građenja.
 - c) Građevinski otpad je otpad nastao prilikom gradnje građevina, rekonstrukcije, rehabilitacije, sanacije, održavanja i uklanjanja postojećih građevina, te otpad nastao od iskopanog materijala, koji se ne može bez prethodnog ispitivanja koristiti za građenje građevine zbog kojeg građenja je nastao.
 - d) Građevinski otpad koji sadrži azbest je opasni građevinski otpad nastao prilikom građenja građevina, rekonstrukcije, rehabilitacije, sanacije i održavanja i uklanjanja postojećih građevina i uklanjanja građevinskih materijala koji sadrži azbest i azbestni otpad nastao od iskopanog materijala.
 - e) Čvrsto vezani azbestni otpad je azbestni otpad specifične mase veće od 1.000 kg/m^3 iz Priloga I. tačke I. ovog pravilnika.
 - f) Investitor je fizičko ili pravno lice definisano posebnim propisima koji uređuju oblast građenja.
 - g) Izvođač radova je pravno lice definisano posebnim propisima koji uređuju oblast građenja.
 - h) Miješani građevinski otpad je građevinski otpad koji se kategorizira sljedećim vrstama otpada propisanim članom 6. ovog pravilnika, a koji uređuje Katalog otpada: 17 09 03* - ostali građevinski otpad i otpad od rušenja objekata, koji sadrži opasne tvari i 17 09 04 - miješani građevinski otpad i otpad od rušenja objekata, koji nije naveden pod 17 09 01*, 17 09 02* i 17 09 03*.
 - i) Opasni građevinski otpad je otpad koji posjeduje jedno ili više opasnih svojstava propisanih Zakonom o upravljanju otpadom ("Službene novine Federacije BiH", broj 33/03, 72/09 i 92/17 u daljem tekstu: Zakona) i Pravilnikom o kategorijama otpada sa listama ("Službene novine Federacije BiH", broj 9/05) i koji je nastao prilikom građenja građevina, rekonstrukcije, rehabilitacije, sanacije i održavanja i uklanjanja postojećih građevina, te otpad nastao od

- iskopanog materijala, koji se ne može bez prethodnog oporavka koristiti za građenje građevine zbog kojeg građenja je nastao taj otpad.
- j) Ovlašteno pravno lice je lice koje posjeduje odgovarajuću dozvolu za upravljanje otpadom.
- k) Operator je fizičko ili pravno lice odgovorno za bilo koju vrstu aktivnosti upravljanja građevinskim otpadom.
- l) Povrat komponenti je postupak kojim se građevinski otpad proizvode u korisni agregat koji može poslužiti u različite svrhe, ako zadovoljava sva ispitivanja i norme kao i agregati iz prirodnih nalazišta.
- lj) Odlaganje građevinskog otpada je djelatnost utvrđena kroz tok građevinskog otpada.
- m) Proizvođač građevinskog otpada je fizičko ili pravno lice koje svojom aktivnošću proizvodi građevinski otpad.
- n) Proizvođač građevinskog proizvoda je pravno ili fizičko lice koje proizvodi, izrađuje, prerađuje, obrađuje, kao i svako lice koje se predstavlja kao proizvođač stavljanjem svog imena zaštitnog znaka ili drugog znaka razlikovanja ako ima sjedište, odnosno prebivalište u Bosni i Hercegovini u skladu sa odredbama Zakona o građevinskim proizvodima ("Službene novine Federacije BiH", broj 78/09).
- nj) Priprema građevinskog otpada za ponovnu upotrebu je proces povrata otpada u građevinski proizvod.
- o) Recikliranje je izdvajanje materijala iz otpada i njegovo ponovno korištenje, uključujući sakupljanje, izdvajanje, preradu i izradu novih proizvoda iz iskorištenih stvari ili materijala.
- p) Reciklažno dvorište za građevinski otpad je građevina namijenjena razvrstavanju, mehaničkoj obradi i privremenom skladištenju građevinskog otpada.
- r) Sakupljač građevinskog otpada je pravno lice koje u skladu sa propisima kojima se uređuje upravljanje otpadom vrši sakupljanje građevinskog otpada kao djelatnost.
- s) Spremnik je posuda za odlaganje određene vrste otpada.
- š) Šuta podrazumijeva: žbuku, dijelove zida, betona, keramičkih pločica, crjepova, elektrodijelova, stolarija i slično.
- t) Tok građevinskog otpada je put od mjesta nastanka do krajnjeg korisnika.
- u) Vlasnik građevinskog otpada je fizičko ili pravno lice koje proizvodi i posjeduje građevinski otpad.
- (2) Pojmovi sadržani u tekstu ovog pravilnika koji nisu definirani stavom 1. ovog člana imaju jednako značenje kao pojmovi sadržani u Zakonu.

Član 4.

(Rodno značenje izraza)

Izrazi koji se koriste u ovom pravilniku, a imaju rodno značenje odnose se jednakno na muški i ženski rod.

Član 5.

(Podjela građevinskog otpada)

- (1) Građevinski otpad se dijeli prema vrsti nastanka na:
- Otpad koji nastaje od potpunog ili djelimičnog rušenja građevina
 - Otpad koji nastaje na gradilištu kao posljedica izgradnje novih građevina
 - Otpad koji nastaje na gradilištu kao posljedica intervencija na postojećim građevinama
 - Otpad nastao kod izgradnje i održavanja saobraćajnica i željeznica

- e) Tlo, kamenje i vegetacija koje je potrebno ukloniti radi pripreme zemljišta za građenje, sanaciju zemljišta, osiguranje klizišta, drenaže, regulaciju vodotoka, ravnjanje zemljišta i sl.
- (2) Opasni građevinski otpad je onaj koji sadrži opasne komponente (azbest, katran, olovo, ljepila i dr.).

Član 6.

(Podgrupe i vrste otpada)

- (1) Građevinski otpad, u katalogu otpada, naveden je pod ključnim brojem 17 00 00 pod imenom grupe GRAĐEVINSKI OTPAD I OTPAD OD RUŠENJA OBJEKATA (uključujući i otpad od iskopavanja onečišćenog tla).

Slijedi popis podgrupa i vrsta otpada, s pripadajućim ključnim brojem, koji se mogu naći pod grupom građevinski otpad i otpad nastao od rušenja objekata.

Podjela podgrupa:

17 00 00 Građevinski otpad i otpad nastao od rušenja objekata (uključujući otpad od iskopavanja onečišćenog tla)

- 17 01 - beton, opeka, crjep/pločice i keramika

17 02 - drvo, staklo i plastika

- 17 03 - mješavina bitumena, ugljeni katran i proizvodi koji sadrže katran

- 17 04 - metali (uključujući i njihove legure)

- 17 05 - zemlja (uključujući iskopanu zemlju s onečišćenih/kontaminiranih lokacija), kamenje i iskop od rada bagera

- 17 06 - izolacijski materijali i građevinski materijal koji sadrže azbest

- 17 08 - građevinski materijal na bazi gipsa

- 17 09 - ostali građevinski otpad i otpad od rušenja

Podjela vrsta otpada po podgrupama

17 01 - beton, opeka, crjep/pločice i keramika

- 17 01 01 - beton

- 17 01 02 - opeka

- 17 01 03 - crjep/pločice i keramika

- 17 01 04 - građevinski materijal na bazi gipsa

- 17 01 06* - mješavine ili odvojene frakcije betona, opeke, crjepa/pločica i keramike koje sadrže opasne tvari

- 17 01 07 - mješavine betona, opeke, crjepa/pločica i keramike koje nisu navedene pod 17 01 06

17 02 - drvo, staklo i plastika

- 17 02 01 - drvo

- 17 02 02 - staklo

- 17 02 03 - plastika

- 17 02 04* - staklo, plastika i drvo koji sadrže ili su onečišćeni opasnim tvarima

17 03 - mješavina bitumena, ugljeni katran i proizvodi koji sadrže katran

- 17 03 01* - mješavina bitumena koje sadrže katran iz ugljena

- 17 03 02 - mješavine bitumena koje nisu navedene pod 17 03 01

- 17 03 03* - katran iz ugljena i proizvodi koji sadrže katran

17 04 - metali (uključujući njihove legure)

- 17 04 01 - bakar, bronza, mesing

- 17 04 02 - aluminij

- 17 04 03 - olovo

- 17 04 04 - cink

- 17 04 05 - željezo i čelik

- 17 04 06 - kalaj

- 17 04 07 - miješani metali

- 17 04 09* - metalni otpad onečišćen opasnim tvarima

- 17 04 10* - kablovski vodič koji sadrže ulje, ugljeni katran i druge opasne tvari
 - 17 04 11 - kablovski vodič koji nisu navedeni pod 17 04 10
 - 17 05 - zemlja (uključujući iskopanu zemlju s onečišćenim/kontaminiranim lokacija), kamenje i iskop od rada bagera
 - 17 05 03* - zemlja i kamenje koji sadrže opasne tvari
 - 17 05 04 - zemlja i kamenje koji nisu navedeni pod 17 05 03
 - 17 05 05* - iskopana zemlja od rada bagera koja sadrži opasne tvari
 - 17 05 06 - iskopana zemlja koja nije navedena pod 17 05 05
 - 17 05 07* - šljunak koji sadrži opasne tvari
 - 17 05 08 - šljunak koji nije naveden pod 17 05 07
 - 17 06 - izolacijski materijali i građevinski materijali koji sadrže azbest
 - 17 06 01* - izolacijski materijali koji sadrže azbest
 - 17 06 03* - ostali izolacijski materijal koji se sastoje od ili sadrže opasne tvari
 - 17 06 04 - izolacijski materijali koji nisu navedeni pod 17 06 01 i 17 06 03
 - 17 06 05* - građevinski materijali koji sadrže azbest
 - 17 08 - građevinski materijal na bazi gipsa
 - 17 08 01* - građevinski materijal na bazi gipsa onečišćen/kontaminiran opasnim tvarima
 - 17 08 02 - građevinski materijal na bazi gipsa koji nije naveden pod 17 08 01
 - 17 09 - ostali građevinski otpad i otpad od rušenja
 - 17 09 01* - građevinski otpad i otpad od rušenja koji sadrži živu
 - 17 09 02* - građevinski otpad i otpad od rušenja koji sadrži PCB
 - 17 09 03* - građevinski otpad i otpad od rušenja (uključujući miješani otpad) koji sadrži opasne tvari
 - 17 09 04 - miješani građevinski otpad i otpad od rušenja koji nije naveden pod 17 09 01, 17 09 02, 17 09 03
- (2) Građevinskim otpadom koji je onečišćen opasnim tvarima smatraju se:
- 17 01 06* - mješavine ili odvojene frakcije betona, opeke, crijeva/pločica i keramike koje sadrže opasne tvari
 - 17 02 04* - staklo, plastika i drvo koji sadrže ili su onečišćeni opasnim tvarima
 - 17 03 01* - mješavina bitumena koje sadrže katran iz ugljena
 - 17 03 03* - katran iz ugljena i proizvodi koji sadrže katran
 - 17 04 09* - metalni otpad onečišćen opasnim tvarima
 - 17 04 10* - kablovski vodič koji sadrže ulje, ugljeni katran i druge opasne tvari
 - 17 05 03* - zemlja i kamenje koji sadrže opasne tvari
 - 17 05 05* - iskopana zemlja od rada bagera koja sadrži opasne tvari
 - 17 05 07* - šljunak koji sadrži opasne tvari
 - 17 06 01* - izolacijski materijali koji sadrže azbest
 - 17 06 03* - ostali izolacijski materijali koji se sastoje od ili sadrže opasne tvari
 - 17 06 05* - građevinski materijali koji sadrže azbest
 - 17 08 01* - građevinski materijal na bazi gipsa onečišćen/kontaminiran opasnim tvarima
 - 17 09 01* - građevinski otpad i otpad od rušenja koji sadrži živu

- 17 09 02* - građevinski otpad i otpad od rušenja koji sadrži PCB
- 17 09 03* - građevinski otpad i otpad od rušenja (uključujući miješani otpad) koji sadrži opasne tvari

II. SISTEM UPRAVLJANJA GRAĐEVINSKIM OTPADOM

Član 7.

(Cilj sistema upravljanja građevinskim otpadom)

Cilj sistema upravljanja građevinskim otpadom je da se do 1. januara/siječnja 2025. godine putem nadležnih tijela osigura priprema za ponovnu upotrebu, recikliranje i druge načine materijalnog oporavka, uključujući postupke zatrpanjavanja i nasipavanja, u kojima se otpad koristi kao zamjena za druge materijale.

Član 8.

(Građevine za upravljanje građevinskim otpadom)

- (1) Upravljanje građevinskim otpadom obavlja se u građevinama koje su prilagođene za njegovo zbrinjavanje.
- (2) Tipovi takvih građevina su:
 - a) pretovarna (transfer) stanica,
 - b) reciklažno dvorište građevinskog otpada,
 - c) odlagalište građevinskog otpada.

Član 9.

(Učesnici u sistemu upravljanja građevinskim otpadom)

Učesnici u sistemu upravljanja građevinskim otpadom su:

- a) investitor i/ili izvođač radova kao vlasnik i proizvođač građevinskog otpada,
- b) ovlašteno pravno lice koje upravlja otpadom (sakupljač ili vlasnik građevinskog otpada),
- c) operator/obradivač/preradivač građevinskog otpada,
- d) upravitelj reciklažnog dvorišta, odnosno pravno lice koje ima ovlaštenje za obavljanje djelatnosti upravljanja građevinskim otpadom,
- e) Fond za zaštitu okoliša Federacije BiH (u daljem tekstu Fond),
- f) jedinice lokalne samouprave (općine i gradovi) koje imaju svojstvo pravnog lica u skladu sa odredbama Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), i kantoni kao federalne jedinice, koji imaju službe i poduzeća nadležne za poslove upravljanja otpadom.

Član 10.

(Način obaveznog postupanja investitora i/ili izvođača radova sa građevinskim otpadom)

- (1) Odgovorni za upravljanje građevinskim otpadom na gradilištu su investitor i/ili izvođač radova.
- (2) Ako se iskop zemlje vrši građevinskim radovima na gradilištu i nije zagoden opasnim tvarima na način da se klasificira kao opasni građevinski otpad u skladu sa propisom kojim se uređuje upravljanje otpadom, investitor ga može ponovo koristiti na istom gradilištu ili na drugom gradilištu, gdje je i sam investitor i/ili izvođač radova.
- (3) Iskop iz stava (2) ovog člana smatra se da nije zagoden opasnim supstancama tako da se klasificira kao opasni građevinski otpad u skladu sa propisom kojim se uređuje upravljanje otpadom.
- (4) Investitor i/ili izvođač radova dužan je prikazati podatke o količini iskopa koji je nastao tokom izvođenja radova na gradilištu, uključujući podatke o njegovom sastavu ili podatke iz iskopa, metoda iskopa, primjenjujući metode ispitivanja u skladu s propisom kojim se uređuje upravljanje otpadom i podatke upisati u obaveznu dokumentaciju na gradilištu iz Uredbe o uređenju gradilišta, obaveznoj

- dokumentaciji na gradilištu i učesnicima u građenju ("Službene novine Federacije BiH", broj 48/09). Investitor i/ili izvodač radova mora koristiti ove podatke u pripremi izvještaja o nastalom građevinskom otpadu i upravljanju otpadom i čuvati ga najmanje tri godine nakon pribavljanja odobrenja za upotrebu, te pokazati nadležnim inspektorima ako to zatraže.
- (5) Građevinski otpad se mora privremeno skladišti odvojeno na gradilištu prema pojedinačnim vrstama iz Kataloga otpada i odvojeno od ostalih otpada na takav način da ne zagadjuje okoliš i tretira se na način da se može preradivati.
- (6) Ako se građevinski otpad ne može privremeno skladištitи na gradilištu ili na području građevine u kojoj se obavljuju građevinski radovi, investitor i/ili izvodač radova moraju osigurati odlaganje građevinskog otpada odmah nakon što se on pojavi u spremnicima postavljenim na gradilištu ili u blizini građevine u kojoj se izvode građevinski radovi i prilagođeni su za uklanjanje građevinskog otpada bez rukovanja.
- (7) Prilikom rekonstrukcije, revitalizacije, sanacije, održavanja ili uklanjanja objekta investitor i/ili izvodač radova dužni su osigurati da se prije izvođenja radova, opasni građevinski otpad ukloni iz građevine, ako je to tehnički izvodljivo.
- (8) Investitor može privremeno skladištitи građevinski otpad na gradilištu do završetka građevinskih radova, ali ne duže od jedne godine.
- (9) Privremeno skladištenje građevinskog otpada iz stava (8) ovog člana može obezbijediti investitor i/ili izvodač radova na drugom gradilištu, gdje je kao investitor i/ili izvodač radova odgovoran za upravljanje građevinskim otpadom ili na drugom mjestu uredenom za privremeno skladištenje građevinskog otpada.

Član 11.

(Plan upravljanja građevinskim otpadom)

- (1) Ako je za izgradnju nove građevine, rekonstrukciju i rehabilitaciju građevine, i uklanjanje građevine propisano pribavljanje akata o građenju u skladu sa propisima kojima je uredena oblast građenja, investitor je dužan dostaviti plan upravljanja građevinskim otpadom za projekat za koji podnosi zahtjev za dobijanje urbanističke saglasnosti i odobrenja za građenje.
- (2) Plan upravljanja građevinskim otpadom iz stava (1) ovog člana sadrži, u zavisnosti od vrste i količine građevinskog otpada i nivoa obrade, podatke o:
- uklanjanje opasnog građevinskog otpada prije uklanjanja građevine ako se radi o stjecanju odobrenja za građenje, kao i uklanjanje građevine,
 - odvojeno prikupljanje građevinskog otpada na gradilištu,
 - tretman građevinskog otpada na gradilištu,
 - procijenjenu količinu iskopa zemlje koja je nastala izvođenjem građevinskih radova na gradilištu i njegovim rukovanjem,
 - procijenjenu količinu iskopa zemlje na gradilištu, koja nije nastala zbog izvođenja građevinskih radova na gradilištu,
 - količine i vrste građevinskog otpada planiranog za predaju sakupljaču otpada,
 - količine i vrste građevinskog otpada predviđenog za predaju na obradu,
 - predvidene metode obrade građevinskog otpada i izvodača radova za obradu građevinskog otpada
 - vrste i količine građevinskog otpada koji se planira reciklirati.
- (3) Uz zahtjev za izdavanje urbanističke saglasnosti predaje se Idejni plan upravljanja otpadom, a uz zahtjev za odobrenje

za građenje predaje se Detaljan plan upravljanja građevinskim otpadom, a u skladu sa čl. 39. i 55. Zakona o prostornom planiranju i korištenju zemljišta na nivou Federacije Bosne i Hercegovine ("Službene novine Federacije BiH", br. 2/06, 72/07, 32/08, 4/10, 13/10 i 45/10).

- (4) Planom upravljanja građevinskim otpadom moraju se uzeti u obzir smjernice važećih strateških i planskih dokumenata za zaštitu okoliša u oblasti upravljanja građevinskim otpadom u odnosu na predvidene količine građevinskog otpada i metode njihovog tretmana.
- (5) Investitor je dužan predložiti plan upravljanja građevinskim otpadom nadležnom inspektoru, ako on to zatraži.
- (6) Plan upravljanja građevinskim otpadom treba pripremiti u formi knige tehničke dokumentacije na A4 formatu propisno uvezane i ovjerene od strane izrađivača, te pored gore navedenih stavki treba da sadrži i sve navedeno iz Smjernica za zbrinjavanje građevinskog otpada.

Član 12.

(Odlaganje građevinskog otpada od strane investitora i/ili izvodača radova)

- (1) Investitor i/ili izvodač radova dužan je osigurati dostavu građevinskog otpada sakupljaču otpada ili operateru obrade takvog otpada koji je ovlašten dozvolom za upravljanje otpadom ili okolinskom dozvolom.
- (2) Investitor i/ili izvodač radova dužan je potpisati ugovor za prihvat građevinskog otpada prije početka radova ili ugovor o tretmanu otpada.
- (3) Podaci o preuzimatelju, klasifikacijski broj građevinskog otpada, procijenjena količina proizvedenog građevinskog otpada, adresa građevinskog zemljišta koje se odnosi na prihvat građevinskog otpada i podaci o odobrenju za građenje moraju biti uključeni u ugovor o prihvatu građevinskog otpada.
- (4) Investitor i/ili izvodač radova dužan je, po predaji svake pošiljke građevinskog otpada, pribaviti od primatelja pisani akt o vrstama i količinama predatog građevinskog otpada.

Član 13.

(Priprema za ponovnu upotrebu i tretman građevinskog otpada)

Investitor i/ili izvodač radova može obraditi građevinski otpad koji nastaje na gradilištu samo ako ima okolinsku dozvolu i/ili dozvolu za upravljanje otpadom.

Član 14.

(Iзвještaj o nastalom građevinskom otpadu na gradilištu i upravljanje)

Investitor koji namjerava pribaviti odobrenje za upotrebu u skladu sa propisima koji uredjuju oblast građenja, kao sastavni dio zahtjeva za dobijanje odobrenja za upotrebu, treba dostaviti nadležnom organu uprave izvještaj o nastalom građevinskom otpadu i njegovom toku, sa podacima:

- količine i vrste građevinskog otpada isporučenog sakupljačima građevinskog otpada,
- količine i vrste građevinskog otpada isporučenog za preradu,
- količine i vrste građevinskog otpada koji se ponovo koristi na mjestu proizvodnje,
- količine i vrste građevinskog otpada koji je preradivan i daljnje rukovanje proizvodima,
- obim zemljanih iskopa koji su nastali izvođenjem građevinskih radova na gradilištu, koji je također ponovno korišten na gradilištu,
- sastav iskopa zemlje ili iskopavanja izvršenih metodama ispitivanja, pod uslovom da količina na mjestu ponovnog iskopa koja je rezultat građevinskih radova na gradilištu prelazi 30.000 m^3 ,

- g) količinu na gradilištu iskopane zemlje, koja nije nastala zbog izvođenja građevinskih radova na gradilištu,
- h) obim iskopa zemlje koja je uklonjena sa lokacije i način njenog daljnog tretmana,
- i) sakupljači građevinskog otpada i operateri obrade otpada,
- j) ovjerene dokaznice o otpremi građevinskog otpada.

Član 15.

(Način obaveznog postupanja proizvođača/distributera/uvoznika građevinskog proizvoda)

- (1) Proizvođač/distributer/uvoznik građevinskog proizvoda, koji na tržište Federacije BiH stavlja proizvod iste ili slične opće predviđene namjene propisane u Prilogu II. ovoga Pravilnika, dužan je kupcu i/ili korisniku proizvoda osigurati:
 - a) mogućnost povrata takvog korisnog proizvoda, što uključuje i višak materijala,
 - b) mogućnost preuzimanja otpada koji nastaje od takvog proizvoda.
- (2) Obavezu iz stava 1. ovoga člana proizvođač/distributer/uvoznik građevinskog proizvoda je dužan osigurati:
 - a) na prodajnom mjestu, u količini do 5 kilograma otpada dnevno za kupca i/ili korisnika proizvoda koji je fizička osoba, osim fizičke osobe - obrtnika,
 - b) na način određen odgovarajućim ugovorom za kupca proizvoda koji je pravna osoba ili fizička osoba - obrtnik.
- (3) Proizvođač/distributer/uvoznik građevinskog proizvoda iz stava 1. ovoga člana dužan je, radi provedbe stava 1. ovoga člana, na svojoj mrežnoj stranici i na vidljivom mjestu na ulazu u prodajni prostor ili na blagajni, istaknuti obavijest o načinu provedbe obaveza iz stava 1. ovoga člana.
- (4) Proizvođač/distributer/uvoznik građevinskog proizvoda iz stava 1. ovoga člana, koji prodaju obavlja putem kataloga, interneta odnosno drugog sličnog načina prodaje, obavezan je na svojim mrežnim stranicama obavijestiti kupca o lokaciji na kojoj je osigurao provedbu stava 1. tačka a) ovoga člana na području jedinice lokalne samouprave u kojoj kupac prebiva bez troškova po kupca.
- (5) Proizvođač/distributer/uvoznik građevinskog proizvoda iz stava 1. ovoga člana dužan je:
 - a) raspolažati prostorom i odgovarajućim spremnicima za privremeno skladištenje otpada preuzetog u skladu sa ovim članom i
 - b) preuzeti otpad iz stava 1. ovoga člana skladišti odvojeno po vrstama propisanim posebnim propisom koji uređuje Katalog otpada i predati ga ovlaštenoj osobi.
- (6) Proizvođač/distributer/uvoznik građevinskog proizvoda smatra se vlasnikom građevinskog proizvoda, te građevinskog otpada koje je preuzeo u skladu sa stavom 1. ovoga člana.
- (7) Preuzimanje otpada iz stava 1. ovoga člana smatra se sastavnim dijelom obavljanja glavne djelatnosti koju obavlja proizvođač građevinskog proizvoda i ne smatra se obavljanjem djelatnosti upravljanja otpadom.

Član 16.

(Status građevinskog proizvoda)

Kad proizvođač građevinskog proizvoda utvrdi da nije moguće više koristiti materijal odnosno građevinski proizvod u istu svrhu za koju je proizведен, dužan je taj materijal odnosno građevinski proizvod smatrati otpadom.

Član 17.

(Način označavanja građevinskog proizvoda i ambalaže - obaveza proizvođača)

- (1) Proizvođač građevinskog proizvoda dužan je, kada građevinski proizvod proglaši otpadom, a koji se smatra opasnim otpadom, označiti simbolom odvojenog sakupljanja i zabrane odbacivanja u miješani komunalni otpad propisanog Prilogom III. ovoga Pravilnika.
- (2) Oznaka koja sadrži simbol iz stava 1. ovoga člana mora biti vidljiva, čitljiva i neizbrisiva.
- (3) Proizvođač građevinskog proizvoda dužan je informisati kupca i/ili korisnika proizvoda:
 - a) o značenju simbola iz Priloga III. ovoga Pravilnika,
 - b) da upotrebom građevinskog proizvoda, koja je u skladu s uputom proizvođača tog građevinskog proizvoda, nastaje otpad koji se smatra opasnim ili neopasnim.
- (4) Informisanje iz stava 3. ovog člana provodi se postavljanjem odgovarajuće pisane upute na proizvod odnosno na ambalažu toga proizvoda i po potrebi na prodajnom mjestu, odnosno objavom te upute na mrežnoj stranici proizvođača građevinskog proizvoda.

Član 18.

(Uvjjeti upravljanja građevinskim otpadom)

Investitor i/ili izvođač radova je dužan osigurati da, prije početka radova rekonstrukcije, rehabilitacije, sanacije, održavanja ili uklanjanja građevine, bude obaviješten o materijalima koji se nalaze u odgovarajućoj građevini i za koje je izvjesno da će tim radovima postati opasni otpad.

Član 19.

(Mjere upravljanja građevinskim otpadom)

Mjere upravljanja građevinskim otpadom koje se određuju, u skladu sa posebnim propisom koji uredjuju gradenje, sanaciju, održavanja, rehabilitaciju, rekonstrukcije odnosno uklanjanja građevine moraju osigurati:

- a) izdvajanje materijala i tvari, uključujući i građevinske proizvode, koji nisu otpad (npr. višak materijala pri građenju ili rekonstrukciji građevine ili izdvojene tvari ili materijali ili građevinski proizvodi kao što je cigla ili crijepljivo iz građevine koja se uklanja ili rekonstruiraju), ukoliko se isti mogu bez obrade koristiti u istu svrhu u koju su i proizvedeni,
- b) spriječiti ispuštanje azbestnih vlakana u zrak iz azbestnog otpada i razljevanja tekućeg otpada koji može sadržavati azbest, kada je azbestni otpad prisutan u građevini,
- c) spriječiti miješanje pojedine vrste opasnog građevinskog otpada s drugim otpadom odnosno tvarima i materijalima koje nisu otpad,
- d) spriječiti miješanje razdvojenog otpada, osim miješanja koje obavlja ovlaštena osoba u skladu sa odgovarajućom dozvolom za upravljanje otpadom,
- e) spriječiti raznošenje, razljevanje odnosno ispuštanje otpada izvan gradilišta u okoliš,
- f) onemogućiti istjecanje oborinske vode koja je došla u doticaj s opasnim otpadom na tlo, u vode, podzemne vode i more,
- g) onemogućiti istjecanje tekućeg otpada na tlo, u vode, podzemne vode, more,
- h) predvidjeti odgovarajući prostor za skladištenje otpada na gradilištu,
- i) odrediti način izvođenja radova, uvezši u obzir njihovu tehničku izvodivost i ekonomsku opravdanost, kako bi količina miješanog građevinskog otpada, koja nastaje izvođenjem radova, bila što manja, te kako bi se višak

materijala upotrijebio na mjestu gdje je taj višak i nastao, a nastali otpad pripremio za ponovno korištenje ili drugi postupak obrade.

Član 20.

(Način obaveznog postupanja vlasnika građevinskog otpada)

- (1) Vlasnik građevinskog otpada koji je nastao na određenom gradilištu je:
 - a) vlasnik ili korisnik građevine ili dijela građevine, koja se nalazi na tom gradilištu i čijom aktivnošću je nastao građevinski otpad ili
 - b) investitor, kad je na njega vlasnik ili korisnik građevine ili dijela građevine, koja se nalazi na tom gradilištu, pravno regulisao prenos vlasništva nad građevinskim otpadom ili
 - c) izvođač radova, kad je na njega vlasnik ili korisnik građevine ili dijela građevine, koja se nalazi na tom gradilištu, odnosno investitor pravno regulisao prenos vlasništva nad građevinskim otpadom.
- (2) Vlasnik građevinskog otpada dužan je osigurati da se taj otpad preda ovlaštenom pravnom licu za upravljanje otpadom.
- (3) Iznimno od stava 2. ovoga člana, fizička osoba koja je vlasnik građevinskog otpada može otpad predati pravnom licu koje upravlja odgovarajućim reciklažnim dvořištem.

Član 21.

(Način obaveznog postupanja vlasnika sa opasnim građevinskim otpadom)

- (1) Zabranjeno je opasni građevinski otpad:
 - a) odbaciti u miješani komunalni otpad,
 - b) miješati s drugom vrstom otpada ili tvarima uključujući i građevinske proizvode ili materijalima koje nemaju status otpada.
- (2) Vlasnik građevinskog otpada dužan je, na gradilištu na kojem je taj otpad nastao, izdvojiti od drugog otpada i materijala koji nije otpad, te odvojeno skladišti sljedeći otpad prema vrstama propisanim posebnim propisom koji uređuje Katalog otpada:
 - a) sve količine opasnog otpada:
 - 1) azbestni otpad,
 - 2) otpad koji sadrži PCB (npr. transformatori i dr.),
 - 3) otpadne električne i elektroničke uređaje i opremu koja je opasni otpad (npr. fluorescentne sijalice, štedne sijalice, i dr.),
 - 4) elemente koji sadrže katran (npr. katranska izolacija i dr.),
 - 5) ostali opasni otpad;
 - b) neopasan otpad koji čini najmanje 80% mase svog otpada nastalog na određenom gradilištu.
- (3) Iznimno od stava 2. tačke b. ovoga člana, vlasnik građevinskog otpada nije dužan, na gradilištu na kojem je taj otpad nastao, izdvojiti neopasan otpad ukoliko obavezuje izdvajanje tog otpada razvrstavanjem i drugim odgovarajućim tehnološkim procesima upravljanja otpadom izvrši pravno lice koje posjeduje odgovarajuću dozvolu za upravljanje otpadom, na osnovu ugovora s vlasnikom građevinskog otpada.
- (4) Vlasnik neopasnog mineralnog građevinskog otpada iz Priloga IV. ovog pravilnika dužan je s istim postupati na način da se osigura odgovarajući povrat komponenata takvoga otpada, u skladu sa odredbama Zakona, te u mjeri u kojoj je to izvodivo omogući pripremu za ponovnu upotrebu i ukidanje statusa otpada u skladu sa članom 27. ovog pravilnika.

Član 22.

(Skladištenje i konačno zbrinjavanje građevinskog otpada)

- (1) Vlasnik građevinskog otpada, koji skladišti građevinski otpad na gradilištu na kojem je taj otpad nastao, dužan je osigurati da se građevinski otpad skladišti na način da se:
 - a) otpad skladišti odvojeno po osobinama, vrsti i agregatnom stanju na čvrstoj površini na za to predviđenom mjestu na gradilištu,
 - b) opasni otpad skladišti u natkrivenom spremniku ili čvrstoj zatvorenoj vreći, odnosno da je onemogućeno rasipanje, raznošenje i razljevanje tog otpada izvan gradilišta uzrokovano vremenskim prilikama,
 - c) skladištenje tekućeg otpada obavlja u primarnom spremniku postavljenom na sливnu površinu opremljenu odgovarajućim sekundarnim spremnikom u skladu sa uvjetima propisanim posebnim propisom koji uređuje upravljanje otpadom.
- (2) Skladištenje građevinskog otpada koje se obavlja na gradilištu na kojem je taj otpad nastao ne smatra se postupkom skladištenja vlastitog proizvodnog otpada u skladu sa Zakonom.
- (3) Vlasnik građevinskog otpada dužan je snositi sve troškove upravljanja građevinskog otpada.
- (4) Vlasnik građevinskog otpada i ovlašteno pravno lice dužni su osigurati konačno zbrinjavanje ili povrat komponenti odvojeno skupljenog opasnog otpada iz građevinskog otpada.

Član 23.

(Postupanje sa otpadom na gradilištu)

Vlasnik građevinskog otpada dužan je, najkasnije do odvoza otpadnog materijala sa gradilišta odnosno do završetka radova na gradilištu:

- a) izdvojiti od otpada tvari, materijale i građevinske proizvode, osim materijala za nasipavanje, za koje je očigledno da se mogu ponovno koristiti za istu svrhu odnosno za namjeravanu upotrebu za koju su proizvedeni i to bez postupka povrata komponenti, što uključuje i postupak pripreme za ponovnu upotrebu, proglašiti otpadom:
 - 1) materijal iz iskopa koji je nastao prilikom gradištenja građevine i koji se u skladu s aktima o gradištenju, izradenim u skladu s propisima koji uređuju gradište, ne ugradjuje u tu građevinu i koji ne predstavlja mineralnu sirovину u skladu s posebnim propisima koji uređuju ruderstvo,
 - 2) materijal koji je nastao gradištem, sanacijom, održavanjem, rekonstrukcijom, revitalizacijom ili uklanjanjem građevine, osim materijala koji se koristi za građevinske svrhe na tom gradilištu, kad se isti izdvoji od građevine odnosno kad prestane biti građevina koju se gradi, sanira, održava, rehabilituje, rekonstruira odnosno uklanja.

Član 24.

(Povrat komponenti i recikliranje građevinskog otpada)

- (1) Za povrat komponenti građevinskog otpada mogu se koristiti stacionarni ili fiksni pogoni i mobilni pogoni. Povrat komponenti građevinskog otpada može se odvijati i na gradilištu kada se radi o građevinskom otpadu za koji se djelatnost povrata komponenti provodi mobilnim uredajima.
- (2) Recikliranje je izdvajanje materijala iz otpada i njegovo ponovno korištenje, uključujući sakupljanje, izdvajanje, preradu i izradu novih proizvoda iz iskorištenih stvari ili materijala.

- (3) Vrlo je važno prvo odvojiti otpad prema vrstama iz Kataloga. Mnoge otpadne materije se mogu ponovo iskoristiti ako su odvojeno sakupljene. U recikliranje spada sve što se može ponovno iskoristiti za građenje, a da se ne upotrebljavaju materijali iz prirodnih, neobnovljivih izvora.
- (4) Recikliranjem osiguravamo:
 - a) Očuvanje prirode i prirodnih sirovina.
 - b) Smanjenje onečišćenosti zraka, vode i tla.
 - c) Štednju skupe i dragocjene energije.
 - d) Smanjenje deponijskog prostora i devastacije prostora.
- (5) Pored podataka sadržanih u ovom pravilniku, plan upravljanja građevinskim otpadom, mora sadrži podatke o:
 - a) vrstama i količinama građevinskog otpada koji se namjerava reciklirati,
 - b) namjenske metode korištenja recikliranih građevinskih materijala.
- (6) Za otpad koji nije bilo moguće reciklirati mora se izvršiti povrat komponenti nekim drugim postupcima.

Član 25.

(Obaveze vođenja evidencija i izvještavanja o građevinskom otpadu)

- (1) Pravno lice koje odlaže građevinski otpad dužno je Fondu dostaviti podatke o masi/količini odloženog građevinskog otpada na obrascu objavljenom na web stranici Fonda.
- (2) Izvještaj iz stava 1. ovoga člana vodi se za lokaciju na kojoj je građevinski otpad odložen i izraduje se temeljem podataka iz dokumentacije na gradilištu o nastanku i toku otpada.
- (3) Vlasnik građevinskog otpada mora voditi evidenciju toku građevinskog otpada u toku građenja na propisanim obrascima iz člana 25. ovog pravilnika, te sklopiti ugovor sa pravnim licem koje će građevinski otpad konačno zbrinuti.
- (4) Praćenje toku građevinskog otpada i vođenje obrazaca na gradilištu vrši lice koje izvodač radova imenuje za praćenje i poštivanje principa održivog razvoja i zaštite okoliša, a što je mjeru i uvjet za dobijanje ovlaštenja za izvođenje radova građenja iz člana 39. Uredbe o uređenju gradilišta, obaveznoj dokumentaciji na gradilištu i učesnicima u građenju ("Službene novine Federacije BiH", broj 48/09).

Član 26.

(Informacioni sistem upravljanja otpadom)

- (1) Sakupljač/recikler građevinskog otpada je dužan da se upiše u informacioni sistem upravljanja otpadom prema Uredbi o informacionom sistemu upravljanja otpadom ("Službene novine Federacije BiH", broj 97/18).
- (2) Svi potrebeni obrasci za vođenje podataka o toku upravljanja građevinskim otpadom i dostavljanje izvještaja za građevinski otpad, potrebni za informacioni sistem upravljanja otpadom, nalazit će se na web stranici Fonda.

Član 27.

(Ukidanje statusa otpada)

- (1) Status otpada može se skinuti otpadu nakon postupka povrata komponenti ukoliko ispunjava tehnička svojstva propisana posebnim propisom koji uređuje građevinske proizvode.
- (2) Građevinski proizvod koji je nastao povratom komponenti građevinskog otpada mora ispunjavati uvjete propisane Zakonom o građevinskim proizvodima ("Službene novine Federacije BiH", broj 78/09), i može se koristiti kao građevinski proizvod u skladu sa odredbama propisa koji uređuje građevinske proizvode.
- (3) Utvrđivanje kvalitete građevinskog proizvoda propisano je Pravilnikom o uvjetima za lica koja provode radnje ocjenjivanja usklađenosti građevinskih proizvoda ("Službene novine Federacije BiH", br. 49/10 i 64/11).

III. SISTEM UPRAVLJANJA AZBESTNIM OTPADOM

Član 28.

(Cilj sistema upravljanja azbestnim otpadom)

Cilj sistema upravljanja azbestnim otpadom je uspostava i provedba mjera radi sprečavanja i smanjenja onečišćenja uzrokovanih djelovanjem azbestnog otpada radi zaštite ljudskog zdravlja i okoliša.

Član 29.

(Postupanje sa otpadom koji sadrži azbest)

- (1) Azbest su sljedeći vlaknasti silikati:
 - a) krokidolit (plavi azbest, CAS br. 12001-28-4),
 - b) aktinolit (CAS br. 77536-66-4),
 - c) antofilit (CAS br. 77536-67-5),
 - d) krizotil (bijeli azbest, CAS br. 12001-29-5),
 - e) amozit (smeđi azbest, grinerit, CAS br. 12172-73-5) i
 - f) tremolit (CAS br. 77536-68-6);
- (2) Azbestni otpad ili otpad koji sadrži azbest je opasni otpad koji je po sastavu sirovi azbest i svaka otpadna tvar ili predmet koji sadrži azbest i azbestna vlakna, azbestna prašina nastala emisijom azbesta u zrak obradom azbesta ili tvari, materijala i proizvoda koji sadrže azbest.
- (3) Vrste azbesta koji se koristi u građevini:
 - a) Smeđi (amozit) nalazi se u cementnim pločama, proizvodima za toplinsku izolaciju
 - b) Plavi azbest (krokidolit) najopasniji, nalazi se u azbesto-cementnim proizvodima, izolacijama za parne strojeve i cijevi, u premazima u spreju.
- (4) Spisak kemikalija čiji su uvoz, proizvodnja, promet i upotreba zabranjeni, odnosno ograničeni, a na kojem se nalaze i vrste azbesta, su navedeni u Odluci o zabrani odnosno ograničenju uvoza, proizvodnje, prometa i upotrebe određenih opasnih industrijskih kemikalija u Federaciji BiH ("Službene novine Federacije BiH", br. 52/16 i 47/19).
- (5) Otpad koji sadrži azbest odlaze se na posebno predviđenu plohu na odlagalištu otpada, i ne smije sadržavati druge opasne tvari osim čvrsto vezanog azbesta.
- (6) Područje sa odloženim otpadom koji sadrži azbest mora se dnevno prekrivati na način da se sprječi tokom prekrivanja oslobođanje azbesnih vlakana u okoliš.
- (7) Nakon zatvaranja odlagališta otpada koji sadrži azbest, mora biti sprječeno svako korištenje te površine prije dekontaminacije iste, odnosno provedbe složene procedure koja sadrži fizičke, kemijske i biološke procese kojima nestaju kontaminirane površine.
- (8) Prilikom svakog postupanja sa otpadom koji sadrži azbest nužno je pridržavati se propisanih uvjeta zaštite na radu, a djelatnici moraju imati odgovarajuću zaštitnu opremu i maske.
- (9) Zabranjeno je azbestni otpad, koji je namijenjen odlaganju, miješati s drugom vrstom otpada kao i tvarima koje nisu otpad.

Član 30.

(Obaveza vlasnika pri održavanju građevine koja sadrži azbest)

- (1) Vlasnik ili korisnik građevine ili dijela građevine dužan je:
 - a) redovito pregledati dijelove građevine koji sadrže azbest kako bi utvrdio da li uslijed oštećenja ili dotrajlosti dolazi do izdvajanja azbestnih čestica iz materijala (materijal koji se mrvi) i po potrebi poduzeti mjeru održavanja odnosno popravka (otvrđnjavanje azbesta, površinsko očvršćivanje azbesta i dr.) kojima se sprječava izdvajanje azbestnih čestica iz tog materijala.
 - b) kad odluči da se dotrajali dio građevine koji sadrži azbest više ne održava odnosno popravlja, osigurati izdvajanje azbesta iz dijelova te građevine na način da

- se sprijeći raznošenje azbestnih vlakana te čestica, prašine i komada koji sadrže azbest izvan odgovarajuće građevine odnosno gradilišta.
- (2) Vlasnik azbestnog otpada koji je nastao intervencijom na građevini dužan je pripremiti izdvojeni azbestni otpad za prijevoz, s lokacije na kojoj je taj otpad nastao, na način da se sprijeći ispuštanje azbestnih vlakana i razljevanje tekućeg azbestnog otpada korištenjem zatvorenog spremnika.

Član 31.

(Postupci upravljanja azbestnim otpadom)

- (1) Zbrinjavanje azbestnog otpada obavlja se odlaganjem u spremnike za zbrinjavanje azbestnog otpada u sklopu odlagališta opasnog otpada, na za to predviđeno mjesto.
- (2) Metoda postupka upravljanja azbestnim otpadom, skladištenje, prijevoz azbestnog otpada i izvještavanje toka azbestnog otpada vršit će se u skladu s propisima koji regulišu upravljanje opasnim otpadom.

IV. OBAVEZE KANTONA I JEDINICA LOKALNE SAMOUPRAVE I PRAVNICH LICA KOJA UPRAVLJAJU RECIKLAŽNIM DVORIŠTEM

Član 32.

(Obaveze kantona i jedinica lokalne samouprave)

- (1) Kanton i jedinica lokalne samouprave (općina i grad), dužni su sudjelovati u sistemu sakupljanja građevinskog i azbestnog otpada.
- (2) Kanton i jedinica lokalne samouprave (općina i grad), dužni su na svom području u planskim dokumentima planirati dovoljan broj lokacija na kojima se može izgraditi reciklažno dvorište za građevinski otpad, te obavljati djelatnosti sakupljanja, povrata komponenti i zbrinjavanja građevinskog otpada u skladu sa odredbama Zakona i ovog Pravilnika.

Član 33.

(Pravno lice koje upravlja reciklažnim dvorištem)

Pravno lice koje upravlja reciklažnim dvorištem dužno je sudjelovati u sistemu upravljanja građevinskim i azbestnim otpadom.

Član 34.

(Kantonalni plan)

- (1) U Kantonalnom planu za upravljanje otpadom utvrđuje se i plan upravljanja građevinskim otpadom, uključujući plan i ciljeve za zaštitu okoliša koji su najpogodniji za tretman građevinskog otpada.
- (2) U Kantonalnom planu za upravljanje otpadom propisane su i smjernice za odvojeno sakupljanje građevinskog otpada.

V. PRELAZNE I ZAVRŠNE ODREDBE

Član 35.

(Prelazne i završne odredbe)

- (1) Jedinica lokalne samouprave dužna je uputiti poziv putem sredstava javnog saopštenja ili na drugi odgovarajući način, vlasnicima odnosno korisnicima građevina u kojima se nalazi azbest i od njih pribaviti podatke o lokacijama na kojima se nalazi azbest na području te jedinice lokalne samouprave i dostaviti ih Fondu u roku od godinu dana od dana stupanja na snagu ovog pravilnika.
- (2) Fond objavljuje na web stranici podatke i obrasce koje je dužan objaviti u skladu s ovim pravilnikom u roku od mjesec dana od dana stupanja na snagu ovog pravilnika, a najkasnije za tri mjeseca po objavljivanju.
- (3) Investitor koji, najkasnije tri mjeseca nakon stupanja na snagu ovog pravilnika, započne postupak dobijanja odobrenja za upotrebu nije obavezan dostaviti izvještaj iz člana 14. ovog pravilnika.

- (4) Investitori i/ili izvodači radova koji nisu dovršili izgradnju prema odobrenju za građenje prije stupanja na snagu ovog pravilnika, dostavljaju izvještaj o nastalom građevinskom otpadu u skladu na način i u roku utvrđenom ovim pravilnikom.
- (5) Kantoni i jedinice lokalne samouprave će planirati lokacije reciklažnih dvorišta u svojim planskim dokumentima u roku od 6 mjeseci od stupanja na snagu ovog pravilnika.

Član 36.

(Prilozi)

Prilozi I., II., III., IV. se nalaze u prilogu ovog pravilnika i sastavni su dio istog.

Član 37.

(Stupanje na snagu)

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 07-2-23-226/19

2. decembra 2019. godine
Sarajevo

Ministrica
Dr. Edita Đapo, s. r.

PRILOG I.

I. Čvrsto vezani azbestni otpad:

- Azbestocementni proizvodi:
 - ravne ili valovite ploče velikog formata
 - fasadne i krovne ploče malog formata
 - azbestno cementna galerija (posude za rastinje i sl.)
 - cijevi za visoko i niskogradnju
 - cijevi za vodoopskrbu i odvodnju
- Azbestocementna prašina i azbestnocementni mulj
 - prašina i mulj iz obrade azbestocementna
- Kočione obloge i pločice koje sadrže azbest, i drugi kruti anorganski otpad koji sadrži azbest:
 - kočione obloge i pločice za vozila i industrijsku upotrebu
 - obloge sklopova
- Otpad obraden metodama otvrđnjavanja koji sadrži azbest:
 - azbest nanesen brizganjem i/ili navlačenjem otvrđnut anorganskim vezivom
 - obradene lake građevinske ploče, vatrootporne ploče i ploče za zaštitu od požara
 - obrađeni azbestni papiri i kartoni
 - drugi obrađeni slabo vezani otpad koji sadrži azbest poput azbestnih traka i tkanina
- Materijali onečišćeni azbestnim vlaknima
 - konstrukcijski elementi i naprave koji se koriste kod uklanjanja materijala koji sadrže slabo vezani azbest
 - podne obloge, tekstil, zavjese
 - folije
 - izolacijski materijali
 - radna zaštitna odjeća
- Građevinski hemijski proizvodi koji sadrže azbest
 - spojni kitovi, površinski kitovi
 - punila i zalivne mase
 - brtvene mase
 - plastične mase i lijepila
 - boje
- Drugi otpad koji sadrži azbest s pretežno organskim tvarima
 - podne obloge
 - kiselootporne posude
 - velike gume za vozila
- Otpadni azbest otvrđen anorganskim vezivima

II. Slabo vezani azbestni otpad:

- Otpad koji sadrži azbest nastao pri rekonstrukciji ili održavanju dijelova građevina ili uredaja

2. Prašina koja sadrži azbest, azbestna prašina i azbestni mulj:
 - čestice prašine iz filterskih uređaja
 - sirovi azbest iz prerade azbesta
 - slabo-vezani materijali koji sadrže azbest iz uređaja i građevinskih elemenata
 - azbestni mulj nastao pri pročišćavanju otpadnih voda ili razgradnji građevina i uređaja koje sadrže slabo vezani azbest
3. Lake ploče koje sadrže azbest:
 - lake građevinske ploče
 - vatrootporne ploče
 - ploče za zaštitu od požara
4. Tekstil i filterski materijali koji sadrže azbest
 - trake, gibljive cijevi, tkanine, odjeća za zaštitu od visokih temperatura
 - azbestne ploče i brtivila
 - azbestni papir i karton.

PRILOG II.**POPIS OPĆIH PREDVIĐENIH NAMJENA ODREĐENIH PROIZVODA**

1. bojenje, lakiranje i drugo premazivanje, pri čemu taj proizvod sadrži nestalni organski spoj
 2. podešavanje viskoznosti ili čišćenje (uklanjanje) boje, laka i drugog premaza ili masa (razrjeđivač, i sl.), pri čemu taj proizvod sadrži nestalni organski spoj*;
 3. pigmenti za boje;
 4. povezivanje komponenti, punjenje šupljina, izolacija površina, pri čemu taj proizvod sadrži katran (npr. veziva, punila, proizvodi za hidroizolaciju, i dr.);
 5. lijepljenje, brtvljenje, punjenje šupljina i povezivanje komponenti pri čemu taj proizvod sadrži nestalni organski spoj (npr. ljeplja, mase za brtvljenje, punila)*.
- * nestalnim organskim spojem smatra se nestalni organski spoj određen posebnim propisom koji uređuje granične vrijednosti sadržaja nestalnih organskih spojeva u određenim bojama i lakovima koji se koriste u gradevinarstvu i proizvodima za završnu obradu vozila.

PRILOG III.**SIMBOL ODVOJENOG SAKUPLJANJA I ZABRANE ODBACIVANJA U MIJEŠANI KOMUNALNI OTPAD****PRILOG IV.****POPIS NEOPASNOG MINERALNOG GRAĐEVINSKOG OTPADA**

Ključni broj	Naziv otpada	Uvjet
17 01 01	beton	
17 01 02	opeka	
17 01 03	crijep/pločice i keramika	
17 01 07	mješavine betona, opeke, crijeva/pločica i keramike koje nisu navedene pod 17 01 06	
17 02 02	staklo	
17 05 04	zemlja i kamenje koji nisu navedeni pod 17 05	

	03	
17 05 06	iskopana zemlja koja nije navedena pod 17 05 05	
17 05 08	kamen tučenac za nasipavanje pruge koji nije naveden pod 17 05 07	
17 08 02	građevinski materijali na bazi gipsa koji nisu navedeni pod 17 08 01	
19 12 05	staklo	ukoliko je nastao obradom građevinskog otpada
19 12 09	minerali (npr. pjesak, kamenje)	ukoliko je nastao obradom građevinskog otpada

Temeljem članka 18a. st. 2. i 3. Zakona o upravljanju otpadom ("Službene novine Federacije BiH", br. 33/03, 72/09 i 92/17), federalni ministar okoliša i turizma donosi

PRAVILNIK O GRAĐEVNOM OTPADU

I. OPĆE ODREDBE**Članak 1.**

(Predmet pravilnika)

Ovim Pravilnikom propisuju se postupci upravljanja građevnim otpadom, obaveze proizvođača građevnog otpada, način označavanja građevnog otpada, uvjeti obaveza vođenja evidencija o građevnom otpadu, te postupci upravljanja otpadom koji sadrži azbest, i uvjeti koje treba imati postrojenje za preradu građevnog otpada.

Članak 2.

(Područje primjene)

- (1) Ovaj pravilnik primjenjuje se na građevni otpad svrstan u grupu otpada s kataloškim brojem 17 00 00 iz kataloga otpada.
- (2) Ovaj pravilnik ne primjenjuje se na:
 - a) zemljani iskop koji nastaje prilikom izvođenja graditeljskih radova na izgradnji, rekonstrukciji, adaptaciji i uklanjanju objekta koji nije izložen opasnim materijama i ne predstavlja opasni otpad;
 - b) riječne nanose koji se koriste radi upravljanja vodama sukladno Zakonu o vodama, a koji nije izložen opasnim materijama i ne predstavljaju opasni otpad;
 - c) građevni otpad, uključujući i zemljane iskope i riječne nanose koji nastaju prilikom zaštite i spašavanja od prirodnih i drugih nepogoda;
- (3) Zemljani iskop i riječni nanosi iz stavka 2. ovog članka, nisu izloženi opasnim materijama ako se iz podataka o sastavu ili kemijskom analizom utvrdi da ne sadrže opasne materije.

Članak 3.

(Definicije)

- (1) Pojedini pojmovi u smislu ovog pravilnika imaju sljedeće značenje:
 - a) Fond je Fond za zaštitu okoliša Federacije BiH (u daljem tekstu: Fond).
 - b) Gradilište je gradilište na način propisan posebnim propisima koji uređuju oblast graditeljstva.
 - c) Građevni otpad je otpad nastao prilikom gradnje građevina, rekonstrukcije, rehabilitacije, sanacije, održavanja i uklanjanja postojećih građevina, te otpad nastao od iskopanog materijala, koji se ne može bez prethodnog ispitivanja koristiti za građenje građevine zbog kojeg građenje je nastao.
 - d) Građevni otpad koji sadrži azbest je opasni građevni otpad nastao prilikom građenja građevina, rekonstrukcije, rehabilitacije, sanacije i održavanja i uklanjanja postojećih građevina i uklanjanja